



GEREJA KRISTUS LIKAS

Mengenal dan Memperkenalkan Kristus

Bisycop: Bisycop Datuk Melter Jiki Tais

Rektor: Archdekan Moses Chin



Hubung

P.O. Box 18510, Pejabat Pos Besar Kota Kinabalu,
88670 Kota Kinabalu, Sabah

Pejabat: 088-426312, 213220 | Mudah alih: 019-6611558


<http://christchurchlikas.org/> | cclikas@gmail.com

Hari Paskah - 31 Mac 2024

Doa Hari Ini

Tuhan segala kehidupan dan kuasa, melalui kebangkitan Anak-Mu yang berkuasa telah mengalahkan peraturan lama iaitu dosa dan maut supaya menjadikan segala sesuatu baru di dalam Dia; perkenankan, agar kami yang mati terhadap dosa dan hidup bagi-Mu di dalam Yesus Kristus, akan memerintah dengan Dia dalam kemuliaan, kepada Dia serta dengan Engkau dan Roh Kudus adalah pujian dan hormat, kemuliaan dan kuasa, sekarang dan dalam segala kekekalan. Amin

Dia bangkit!



Kebaktian BM disiarkan **secara langsung, 11:30 pagi.**:

- YouTube: <https://www.youtube.com/>

[@christchurchlikas/streams](https://www.youtube.com/@christchurchlikas/streams)

Selamat datang ke dalam perkumpulan umat Tuhan.
Kita bersama-sama beribadah kepada Tuhan Yesus yang telah bangkit
dan mendorong satu sama lain untuk mentaati-Nya.

1. SELAMAT HARI PASKAH


'Kristus bangkit'! 'Dia benar-benar bangkit'!! Salam Paskah untuk anda dan bagi semua. Bisyp Melter, dan seluruh kepimpinan diosis, bersama-sama dengan PCC dan staf gereja, mengucapkan kepada anda semua salam sukacita kebangkitan Juruselamat kita, sambutlah dengan rasa gembira.

Sambutan istimewa kepada semua tetamu dan pelawat kami; dan kepada anda sekalian yang sudah hadir secara khusus pada kebaktian hari ini. Mari dan rayakan persekutuan jamuan makan Paskah sambil-sambil ramah mesra dengan yang lain.

Pejabat gereja akan ditutup bermula esok sehingga Rabu. Kami berterima kasih kepada staf gereja di atas kerja keras mereka selama beberapa minggu yang lepas - sepanjang Puasa, Minggu Kudus dan MAT. Pejabat akan dibuka semula pada Khamis, 4 April.


2. KESIBUKAN RAYA MENDATANG

- **Evergreens** - Sabtu depan, 6 April: persekutuan warga emas, Dewan Omega, 9:30 pagi. Perayaan Paskah.
- **Muda-mudi ING** -10-11 April: retret di Kundasang. Tema: 'Perumpamaan tentang Harta yang Terpendam'. Aktiviti termasuklah memasak makanan sendiri, mendaki/bersiar-siar ke kampung tempatan, tidur di dalam khemah, belajar Alkitab dan banyak lagi.
- **Jemaat BM** -10-12 April: 50 daripada kita akan menyertai Konferensi Doa BM, Gereja St. Patrick, Tawau. Tema: Impak Penerobosan.
- **Paderi Diosis** - 9-12 April: Konferensi Paderi Anglikan Cina Sedunia, Taiwan. Kira-kira 30 paderi dan isteri mereka akan menyertainya.; termasuk Rektor kita dan isterinya, Lorraine.



3. INFORMASI BERITA DIOSIS

- 30 April-2 Mei - Konferensi Belia BC & BI, Katedral All Saints, KK. Dibuka untuk pendaftaran. RM200 per orang. Ada Subsidi disediakan. Hingga kini, lebih 100 pendaftaran.
- 28-30 Mei - Khemah Muda-mudi BC & BI, Sekolah Visi, Tawau. Dibuka untuk pendaftaran. RM135 seorang (termasuk makanan dan penginapan).



MESEJ PASKAH

- Bisyp Datuk Melter J. Tais



Saudara dan saudari yang dikasihi, salam sejahtera kepada anda dalam nama yang maha mulia, Yesus, yang telah bangkit dan hidup.

Pada hari ini, sementara kita berkumpul untuk merayakan Paskah, marilah kita mengingati signifikan terbesar akan peristiwa hari ini.

Paskah menandakan puncak iman kita, dipanggil kebangkitan Tuhan dan Penyelamat kita, Yesus Kristus. Ia adalah satu peringatan akan kemenangan terang mengalahkan kegelapan, harapan mengalahkan kekecewaan dan kehidupan mengalahkan kematian.

Dalam Injil Matius 28:6, kita baca, **"la tidak ada di sini, sebab la telah bangkit, sama seperti yang telah dikatakan-Nya. Mari, lihatlah tempat la berbaring."**

Ayat ini terus bergema sepanjang zaman, membawa mesej kemenangan dan penebusan. Kubur yang kosong kekal sebagai sebuah kesaksian terhadap kuasa Allah, yang membangkitkan Yesus daripada kematian, menakluki dosa dan memberikan kita kehidupan kekal.

Sementara kita merenungkan peristiwa ajaib ini, marilah juga kita merenungkan kata-kata rasul Paulus dalam Roma 6:5 yang mengatakan, **"Sebab jika kita telah menjadi satu dengan apa yang sama dengan kematian-Nya, kita juga akan menjadi satu dengan apa yang sama dengan kebangkitan-Nya."** Melalui kebangkitan Kristus, kita ditawarkan janji akan kebangkitan kita sendiri, iaitu, suatu perubahan mulia yang melebihi batas-batas kehidupan fana ini. Ia adalah janji akan permulaan baharu, pemulihan dan sukacita abadi dalam hadirat Bapa Syurgawi kita.

Hari ini, marilah kita bersukacita dalam kebangkitan Tuhan kita, mengetahui bahawa, melalui pengorbanan-Nya, kita ditebus, diampuni dan didamaikan dengan Allah. Semoga harapan dan sukacita Paskah memenuhi hati anda dan memberi inspirasi kepada kita untuk menjalani kehidupan yang beriman, mengasihi dan melayanisatu sama lain.

Saya mengambilkesempatan iniuntuk mengucapkan Selamat Hari Paskah yang penuh bahagia dan sukacita kepada anda dan orang-orang yang anda kasihi.

UNTUK PEMBERIAN DALAM TALIAN

RHB Bank | 2-10103-0001913-1

Christ Church Likas

Boost: <https://myboost.app.link/FPvG94VIT4>



CIPTAAN BARU

"pagi-pagi benar ketika hari masih gelap ..."

- Yohanes 20:1

1. Paskah - kebangkitan Yesus Kristus
 - perayaan yang paling unik
2. Kebangkitan Yesus Kristus - ciptaan baru
 - "ketika hari masih gelap" - Kejadian 1:1-3, Yohanes 1:1,14
 - kemenangan atas dosa, kematian, kebinasaan
 - janji kebangkitan diri kita sendiri
 - janji kembalinya Yesus
3. Sebuah permulaan baru
 - untuk Maria Magdalena
 - untuk Petrus dan Yohanes, dan para murid
4. Sebuah permulaan baru
 - untuk semua orang yang berbalik kepada Yesus



UNTUK DIDOAKAN

Dunia kita yang tercinta

- berdoa untuk keamanan dunia; terutama di kawasan bermasalah [agar kita tidak kehilangan harapan, kerana Kristus telah bangkit dan akan datang lagi]

Negara kita yang tercinta

- berdoa untuk keharmonian antara kumpulan masyarakat yang berbeza [supaya orang Kristian boleh berkongsi kasih Tuhan]

Diri sendiri

- berdoa untuk hidup yang diperbaharui yang didedikasikan untuk mengasihi dan melayani [kiranya kebangkitan Yesus memberi pengaruh kepada kita terus-menerus]

- berdoa untuk mereka yang dalam kelemahan tubuh, minda atau rohani; dan untuk 5 sahabat kita. Namakan mereka dalam doa anda.